

Publicaziuns officialas dils 19 d'avrel 2024

Vischnaunca Trun

Damondas da baghegiar

Datum da publicaziun: 19-04-2024

Petents: Claudio Maissen e Silvana Menzli, Via Plaunca 1, 7166 Trun
Representanza: Tarcisi Maissen SA, Via Resgias 16, 7166 Trun
Object: Midada d'intent dalla pratica da miedi en ina habitaziun sin parcella 1428 a Trun
Zona: Zona dil vitg (V)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Sanaziun dalla via Carmanera

Las lavurs da sanaziun vid la secunda part dalla via Carmanera entscheivan gliendisdis, ils 15 d'avrel 2024.

La via sto per quei motiv vegnir serrada naven dalla cruschada Via Carmanera / Via Campliun (casa Bruggmann) tochen tier la casa da Flurin e Sandra Decurtins.

In sviament vegn signalisau.

Per damondas stat il cau dil stradalessar dalla vischnaunca, Albert Spescha (081 920 20 45), a disposiziun.

Suprastanza communal Trun

Eleccziun supplementara per la suprastonza communal

Per il rest dalla perioda d'uffeci 2024-2026

La elecziun ha liug **dumengia, ils 9 da zercladur 2024**

Geraua Erica Cavegn-Pfister ha abdicau siu uffeci sin la fin d'uost 2024. Sebasond sin artechel 31 da nossa lescha davart votaziuns ed elecziuns ordeina la suprastonza communal ina elecziun supplementara per il rest dalla perioda d'uffeci.

Propostas per il sez che vegn libers en la suprastonza communal ein d'inoltrar entochen ils 9 da matg 2024 (Art. 19 lescha davart votaziuns ed elecziuns).

Tenor art. 19 dalla lescha davart votaziuns ed elecziuns san gruppas da silmeins 5 votants proponer candidats per la suprastonza. Talas propostas ein da far en scret e d'inoltrar all'administraziun communal.

Ina proposta astga buca cuntener dapli candidats ch'il diember da posts libers. Las candidatas ed ils candidats ston mintgamai vegnir indicai cun num e prenum, onn da naschientscha, liug e professiun.

Administraziun communal Trun

Sut igl Ischi 2024

Concerts societad da musica cun Alexi e Marcus

Questa fin d'jamna han ils concerts dalla societad da musica Trun cun Alexi e Marcus liug el center communal.

Per il concert dalla dumengia, ils 21 d'avrel allas 17.00 uras datei aunc bigliets. Igl ei pusseivel da retrer ils bigliets directamein avon il concert alla cassa dalla sera ni oz venderdis tier l'administraziun communal. Nus selegrein sin Vossa viseta.

Administraziun communal Trun

Mortori

Demont-Venzin Maria Josefina, naschida ils 2 d'uost 1924 e morta ils 12 d'avrel 2024.

Controlla da habitontsTrun

Pleiv catolica romana Trun

Invit alla radunonza generala, mesjamna, ils 24 d'avrel 2024 allas 20.00 en l'aula en casa da scola, Trun.

Tractandas:

1. Beinvegni ed elecziun da dus dumbravuschs
2. Protocol
3. Rapport
 - dil president
 - dil administratur
4. Rendaquen
 - rapport dil cassier
 - rapport da gestiun
 - approbaziun e conclus da scarica
5. Rendaquen dallas fundaziuns
 - rapport dil plevon
 - rapport da gestiun
 - approbaziun e conclus da scarica
6. Preventiv
7. Fixar il pei da taglia
8. Rapport dalla presidenta dil cussegl pastoral
9. Elecziuns
 - ugau caplutta sontga Brida
 - commembers dil cussegl pastoral
10. Rapport restauraziun baselgia Nossadunna dalla Glisch
11. Illuminaziun en baselgia parochiala Trun
12. Varia

Dallas tractandas 2 ed 8 san ins prender investa odem las baselgias da Trun, Schlans e Zignau.

La suprastanza

**TCS Sektion Graubünden
Regionalgruppe Surselva**

Einladung zur 64. Generalversammlung, Freitag, 19. April 2024, 19.30 Uhr Restaurant «Da Stefano», Via Dulezi 2, 7166 Trun.

Traktanden:

1. Begrüssung und Wahl der Stimmenzähler
2. Protokoll der GV vom 14. April 2023 in Ilanz
3. Jahresbericht 2023
4. Jahresrechnung 2023
5. Revisorenbericht
6. Entlastung der Organe
7. Wahlen
 - Regionalgruppenpräsident
 - Vorstandsmitglieder
 - Revisoren
 - Delegierten
 - Delegierten Stv.
8. Jahresprogramm 2024
9. Voranschlag 2024
10. Anträge von Mitgliedern
11. Ehrungen
12. Verkehrsregeln besser verstehen
13. Varia

Allfällige Anträge von Mitgliedern an die Generalversammlung sind bis spätestens Samstag, 6. April 2024 zuhänden des Präsidenten (Gion Petschen, Via Darvella 3, 7166 Trun) zu stellen. Im Anschluss an die Generalversammlung offerieren wir unseren Mitgliederinnen und Mitgliedern ein gemeinsames Nachtessen.

Der Vorstand freut sich auf eine rege Teilnahme.

*TCS Sektion Graubünden Regionalgruppe Surselva
Gion Petschen, Präsident*

Club da tennis Trun

Turnier singul dil club

Naven dils 25-4-2024 entochen ils 28-4-2024 han las commembras ed ils commembers dil club da tennis Trun la pussevliadad da semesirar. Duront quels dis ha il turnier tradiziunal dil Club da tennis da Trun liug. Per ulteriur sclariment ed annunzias san ins s'adressar tier Luis Caduff, 079 596 60 78 ni per e-mail sut luis@kns.ch.

Uonn organisescha il club da tennis Trun puspei cuors per entscheviders e per avanzai cun il scolast da tennis Nic Dermon. Il cuors ha liug mintgamai il gliendisdis sera naven dallas 19:00–

20.30. Il cuors entscheiva ils 6 da matg 2024 e cuoza tut tenor aura 5-6 seras.
Annunzas pren Carmen Bearth-Albin bugen encunter entochen ils 4 da matg 2024, 079 283 93 07, carmenbearth@hotmail.com.

Sco usitau organisescha il club da tennis era uonn cuors da tennis per affons e giuvenils.
Annadas 2014 –2018. Entschatta, mesjamna igl 1. da matg 2024
Annadas 2013 e pli vegls: Entschatta, mesjamna igl 1. da matg 2024. Dapli informaziuns e s'annunziar tier nies cau da juniors, 079 945 87 14
Fin d'annunzia: mesjamna, 24-04-2024

Il cau dils juniors, Simon Lechmann

Corporaziun Alp Nadéls

La radunonza generala 2024 dalla corporaziun Alp Nadéls ha liug gliendisdis, ils 13 da matg 2024 ella sala dil Cafè Tschut, allas 20.00.

Tractandas:

1. Beinvegni ed appel
2. Elecziun d'in dumbravusch
3. Prelecziun dil protocol dalla davosa RG
4. Rendaquen per igl onn 2023
 - Presentaziun dil quen entras il cassier
 - quen annual
 - Rapport dils revisurs ed approbaziun dil quen
5. Rapport annual dil president
6. Elecziuns
 - President
 - Revisur
7. Stabiliments
8. Project via Nadéls – informaziun
9. Program da lavur a Nadéls – preventiv 2024
10. Fixar il tscheins dils dretgs per igl onn 2024
11. Varia

Remarca: Dretg da votar han possessurs da dretgs ni tals che han ina plenipotenza.

Per la corporaziun Alp Nadéls, la suprastonza

Museum Cuort Ligia Grischa

Sonda, 27-4, allas 14.15. Sentupada e guida publica cullas artistas ed ils artists dall'exposiziun d'art «GRISCH», moderaziun Alexa Giger

Dumengia, 28-4, allas 14.15. Guida publica cul curatur Beat Gugger tras l'exposiziun «Sogn Gieri 1698 – ils delegai dalla Ligia Grischa s'entaupan a Trun»

cordial beinvegni fa il team dil museum

Bezirksviehausstellung Trun

20.4.2024 Pustget, Trun

Ausgestellt werden Rinder und Kühe.

- Ab 9 Uhr Rangierung der Abteilungen
- Lieblingstierwettbewerb
- Nachmittag Spezialwettbewerbe
- Mit Zelt und Verpflegung
- After Party im Festzelt ab 20 Uhr

Wir freuen uns auf zahlreiches erscheinen.

Uniun d'exposiziun da biestga Surselva

Ev. Ref. Kirchgemeinde Cadi

Suentermiezdi da cant cun Regina Wilms
Singnachmittag mit Regina Wilms